

FEL TAURI INSPISSATUM.

R. Felis bovini q. v.

Leni igne evaporetur ad extracti consistentiam.

Usus. *Aqua dilutum maculas et pterygia corneæ transparentis delet.*

OLEA EXPRESSA.

OLEUM AMYGDALARUM DULCIUM.

R. Amygdalarum dulcium recentium siccatarum q. v.

Contusis in mortario, include sacco cannabino, et oleum torculari vel prelo sensim exprime sine igne.

Usus. *Ingreditur unguenta et linimenta emollientia. Prodest in quibusdam maculis corneæ et cutis.*

Eodem modo parantur.

OLEUM AMYGDALARUM AMARARUM.

— LINI.

— SEMINUM HYOSCIAMI.

— OLIVARUM.

— JUGLANDUM.

— SESAMI.

OLEUM OVORUM.

R. Ovorum recentium ad duritiem coctorum q. v.

Vitelli exempti, contriti, et in sartagine ad ruffedinem vel pinguedinis exsudationem assati, adhuc fervidi, sacco lineo includantur, atque sub prelo calido exprimatur oleum.

U s u s. *Laudatur ad curandas fissuras papillarum et labiorum, ad ambustiones et hæmorrhoides dolentes.*

OLEUM NUCIS MOSCHATÆ.

R. Nucum moschatarum contusarum q. v.
Irrorentur aquæ calidæ vapore, & dum adhuc calent, oleum exprimatur.

U s u s. *Inservit pro incorporatione balsamorum et linimentorum.*

OLEA STILLATITIA.

OLEUM ANISI.

R. Seminis anisi contusi ℥ij.

Infunde ac per triduum macera, additis.

Aquæ pluviatilis ℥viij.

Salis communis ℥β.

destillentur e vesica et oleum lege artis ab aqua separetur.

U s u s. *Ad insecta capitis fuganda adhibetur.*

Eadem